

封面题字 沙孟海
扉页题字 唐 云
封面设计 何巧玲
责任编辑 裘剑平

两浙史事丛稿 407

徐映璞著

浙江古籍出版社出版

(杭州武林路125号)

浙江新华印刷二厂排版 浙江新华印刷二厂印刷

浙江省新华书店发行

开本850×1168 1/32 印张13 插页3 字数300000 印数1—3000

1988年10月第1版 1988年10月第1次印刷

ISBN 7-80518-050-4/K·10


统一书号: 11347.39 定 价: 3.60元



徐映璞（1892—1981）像



作者部分遗稿书影



重修的衡州孔庙大成殿

《两浙史事丛稿》叙

窃尝谓古之儒者以一字不识、一物不知为耻，缘是而有读万卷书、行万里路，然后可以从事著述之说。盖事类殊异，经纬繁复，苟不有真知灼见，率尔操觚，无异于擿埴索涂，扣槃扞烛。以兹问世，其何能信？而况时会进化，日新月异，倘仍拘墟故常，而昧于追本思原，将何以循因革而图进取邪！且予尝读宋应星之《天工开物》、沈括之《梦溪笔谈》矣，鉴古衡今，而深有感焉。夫人之生也有涯，而世之变也无涯，以有涯徇无涯，能不憬然自惕乎？吾宗映璞先生，三衢名胜，两浙耆宿。中岁居杭，宅当清平山之麓，因以清平山人自号。少日，游履遍于四方，渔书辄不自廉，训诂、目录、掌故、因革，历历如数家珍。稿中所叙有关史料者，确切而丰富，诚为治史学者所必读之书，求之现代，极为难能可贵，其价值盖不言而喻。缘是生前造谒者众。客至，恒见其危坐几席，卷帙填塞，楮墨横陈。所涉者广，邃意真切，故下笔不苟，偶有所疑，若与古人相切磋。至于歌啸朋尊，乃其馀绪耳。岁丁丑，日寇入侵，沦胥及浙。君与龙游余绍宋先生史局随身，备尝艰困，而殚见洽闻，终得树之初桃。洎荡寇氛，不久即庆革故鼎新，

君为前尘所蔽，遭际屯蹇。十季内乱，厄与众同。顷者，幸际明时，而君遽捐馆舍，不及预于康衢之乐，惜哉！是编所采，见诸载籍者，分门别类，纲举目张。遣兴一时，传信百代。事皆有据，盖非同于野史也。令媛晓英，克承先志，奉遗稿来乞叙言，备付剞劂。读竟，为掇其大略如此。

岁丙寅仲夏之月玄叟徐行恭书于杭之北隅春最楼
时年九十有四

目 录

《两浙史事丛稿》叙	徐行恭
孔氏南宗考略	(1)
姜卿云序 (1)	序目 (1)
孔子生卒年月考 (2)	孔子历代封谥考 (4)
北宋以前圣裔考 (5)	南渡以后世系考 (9)
附北宗世系考 (11)	圣裔支派考 (14)
衢州家庙考 (18)	衢州家塾考 (20)
杭州敷文书院考 (21)	庙塾历代碑碣考 (23)
祭器乐器考 (25)	宋代名贤事迹考 (26)
元代名贤事迹考 (30)	明代名贤事迹考 (35)
近代名贤事迹考 (41)	圣泽遗闻 (47)
附录：跋《孔氏南宗考略》后 (52)	引用书目 (53)
《史记·孔子世家》后识语	(54)
《新五代史·吴越世家》补正	(69)
黄巢入浙考	(133)
太平军在浙江	(139)
朱充隐序 (139)	自序 (139)
第一章 道光庚戌六月至咸丰庚申三月 (140)	
第二章 咸丰庚申闰三月至辛酉十二月 (162)	
第三章 同治壬戌正月至癸亥十二月 (188)	
第四章 同治甲子正月至丙寅正月 (215)	

附录：同天同日享永活诏（236） 扬王李明成劝清营
官兵淳谕（237） 时宪书式（238） 太平天国蔡萧
会衔檄文考正（239） 太平天国军歌（245） 部分引
用书目（246）

书明季浙江防倭事略	（248）
书黑水党抗英纪闻	（283）
辛亥浙江光复记	（285）
书甲子四省攻浙之役	（289）
浙江省制宪回忆录	（296）

附录：省宪餘闻（318）

杭州驻防旗营考	（319）
---------------	-------

缘起（319）	兵制（321）	官员（323）
城垣（324）	河流（326）	桥梁（327）
井池（330）	坊巷（331）	衙署（334）
庙宇（337）	胜迹（340）	丛载（345）

附录：蒋幸璽跋（350） 自跋一（350）

自跋二（352）

林启治衢政绩及其影响	（352）
书光绪庚子衢州红巾之役	（360）
红巾琐忆	（372）
壬午衢州抗战记	（384）
甲申衢州抗战记	（390）
近百年米价	（395）
近百年工价	（397）
先君映璞行述	徐晓英（398）
后记	章家骥（405）

孔氏南宗考略

姜卿云序

衢县旧称西安，实大成至圣先师楷木遗像南迁奉祀之邦，次于曲阜，为全国第二圣地。自宋历元、明、清以及现代，孔氏子孙蕃衍，蔚为巨族。三十二年秋，予奉命督政五区，其时倭寇内侵，战事方亟，圣楷远在庆元，未能瞻仰。本年秋，区宇宁静，南宗奉祀官府迎护回衢，于圣诞节恭行还庙盛典，礼明乐备，为三十年来所仅见。予奉省电，代表致祭，因得虔诚展敬，获睹古代衣冠，良深忻幸。于时，本区文化建设委员会编辑、衢县徐映璞方纂成《孔氏南宗考略》一书，计分十有六章，都三万余言。八百年来之典章文物、古迹遗闻，用宏取精，剪裁适当。南宗纪述素乏专书，得此一篇，亦足以知其梗概矣。抑文化建设经纬万端，而要以致知格物、亲亲仁民为纲领。孔子乃万世师表，稽古右文，尊师重道，实一切建设之基础。故叙其略，为行世之介焉。

中华民国三十五年（1946）初冬

兰溪心白姜卿云序于五区公廨

序 目

民历三十三年，奉浙江省第五区行政督察专员姜心公命，纂《五区区志》。明年，复奉浙江省通志馆馆长余越公命，任通志采辑事宜。又明年，监察院监察委员刘公禺生拟编纂《孔

子世家》，征求圣裔事迹于南宗奉祀府。盖孔子为万古圣人，南宗为孔子嫡裔，声名文物，弁冕中华，非特地方志乘所必登，抑亦金匱、石渠所必载。《史记》列孔子为世家，《明史》列圣裔于儒林，良有以也。特是《东家杂记》、《圣裔录》诸书均无传本，南宗谱系支自为支，派自为派，辗转钞录，颇乏完书。奉祀府无以应命，而通志、区志亦无从载笔。爰采摭正史及省府县志、碑碣、档案、野史、轶闻以及父老传说，偶有异同，辄复侧引旁征，折衷一是。原拟《孔氏南宗考》，嗣以牵涉过于繁重，乃节其芜蔓，加“略”字于下，庶几名实相副。除《艺文考》另辑专帙外，计分十有六章，其目如下：

孔子生卒年月考	孔子历代封谥考	北宋以前圣裔考
南渡以后世系考	附北宗世系考	圣系支派考
衢州家庙考	衢州家塾考	杭州敷文书院考
庙塾历代碑碣考	祭器乐器考	宋代名贤事迹考
元代名贤事迹考	明代名贤事迹考	近代名贤事迹考
圣泽遗闻		

兵燹之后，久病之餘，耆献寡征，典章未集，罣漏諒所不免，惟邦人君子进而教之。

共和纪元三十有五年丙戌长夏

衢县徐映璞谨序

孔子生卒年月考

孔子生日，诸家纪载各有不同。《公羊传》以为鲁襄公二十一年十一月庚子日，《穀梁传》以为鲁襄公二十一年十月庚子日，《史记》以为鲁襄公二十二年，不著月日。《孔庭摘要》所记较详，为鲁襄公二十二年庚戌十月二十七日申时，

《圣门志》以为孔子年庚系庚戌戊子庚子甲申。郑环谓若生于襄公二十一年己酉，则庚子为十月二十一日；如生于二十二年庚戌，则甲申时未知何据。而《左传》杜注则年从《史记》，金履祥亦以己酉年九月、十月朔两度日食，必非诞育至圣之年，当以《史记》为是。黄太冲以长历推定，年亦与《史记》合，而月日以《孔庭摘要》为依归。旧传《孔氏家谱》、《年谱》、《世表》、《素王事记》，生年俱与《史记》同，胡仔《编年》亦从是说，而不确定月日。惟宋濂《生卒考》、江永《年谱》、南宗博士署传钞之旧谱，均与此异。《钞谱》谓孔子生于鲁襄公二十一年己酉冬十一月庚子申时，当周灵王之二十年，庚子为十一月二十一日，与《公羊传》之说同。按黄太冲推定襄公二十二年建酉之月二十七日为庚子，与《路史》合，阎若璩亦叹为定论。盖庚戌年周正十月二十七日为庚子日，确无舛错，周正建子之十月，即夏正建寅之八月也。是孔子年庚，当为庚戌乙酉庚子甲申。庚子日申时为甲申，有五鼠遁可按，郑环以为未知何据，非也。特《圣门志》以为月在戊子，则未知何据耳。旧例以夏正八月二十七日为圣诞，甚是。民国纪元改用阳历，与周正相差不远，当以国历十月二十七日为圣诞，庶几近是。若用八月二十七日，则在旧历七月，与十月二十七日悬殊矣。故定孔子生日为襄公二十二年庚戌十月二十七日申时，年从《史记》，月从《穀梁》，日、时从《孔庭摘要》及《博士署传钞谱》也。

孔子卒日，《史记》年七十三，鲁哀公十六年四月己丑。《春秋》杜注：是年四月无己丑，惟十八日为乙丑，己丑则为五月十二日。月、日必有一误。江永以为是年正月有己卯，故四月己卯朔，己丑乃十一日也。郑环谓据《孔氏家谱》，孔子卒于鲁哀公十六年夏四月乙丑，《年谱》、《世表》亦同，当

以杜注四月十八日乙丑为定。按长历，是年四月朔为甲申，非己卯，即使正月有己卯，亦无四月即为己卯朔之理。胡仔《编年》以为四月己丑卒，亦嫌疏略。杜氏谓四月十八日乙丑，必不误。《孔庭摘要》谓周之四月，夏正之二月也，后世行夏时，以二月十八日为圣忌日，良是。今用太阳历，当仍以四月十八日为忌辰。

孔子历代封谥考

孔子生于周灵王二十一年，即鲁襄公二十二年庚戌，卒于周敬王四十一年，即鲁哀公十六年壬戌，年七十有三。鲁哀公称尼父以谥之，是为封谥之滥觞。汉平帝元始元年，追谥褒成宣尼公。东汉和帝永元四年，封褒尊侯。北魏孝文帝太和十六年，改谥文圣尼父。（《钞谱》圣作宣，兹从《魏书》。）周宣帝大象二年，追封邹国公，立后承袭。隋文帝开皇元年，赠先师尼父。唐太宗贞观二年，尊为先圣；十一年，再尊宣圣尼父，并修建宣尼庙。高宗显庆二年，复尊为先圣。乾封元年，幸曲阜祠祭，追赠太师。中宗嗣圣七年，即武后则天天授元年，封隆道公。玄宗开元廿七年，追赠宣父为文宣王，南面坐。圣像南向自此始。宋真宗大中祥符元年，加谥玄圣文宣王，祭以太牢。天禧五年，改至圣文宣王。元成宗大德十一年，加封大成至圣文宣王。明世宗嘉靖九年，制尊至圣先师孔子，易像为主。祀以木主自此始。清世祖顺治二年，易书大成至圣文宣先师孔子。十四年，论者谓至圣则无所不该，先师则名正而实称，大成文宣四字加入，转不足以尽孔子之道，乃仍明制，书至圣先师孔子。至今不改。

北宋以前圣裔考

孔子之后，二世曰鲤，字伯鱼。宋徽宗崇宁元年，追封泗水侯。度宗咸淳三年，诏从祀，位在郛城侯忠之次。明世宗嘉靖九年，尊先贤孔氏，配享启圣祠。三世曰伋，字子思，作《中庸》，授徒数百人。鲁穆公欲以为相，不受，年百十余岁。宋徽宗崇宁元年，追封沂水侯。度宗咸淳三年，加封沂国公，升配享，位在颜、曾之次。元文宗至顺元年，加封沂国述圣公。明世宗嘉靖九年，尊述圣子思子。四世曰白，字子上。齐威王两召为相，不受。五世曰求，初名敖，字子家。楚召，不仕。六世曰箕，一名搯，字子京。为魏相。七世曰穿，字子高。博学高尚，名闻诸侯，赵、魏、齐交聘之，不赴。著儒家语十二篇，曰《澜言》。八世曰谦，字子慎。魏安釐王聘为相，九月，以病致仕。秦庄襄王召，不行。魏景王以孔子后，封鲁文信君。九世曰鲋，字子鱼。赅博经史，兼通六艺。秦始皇并天下，召为鲁文通君。三十四年，李斯议焚书，魏人陈馥谓子鱼曰：“秦将灭先王之籍，而子为之主，其危矣。”子鱼曰：“顾可惧者。”乃归，藏其《家语》、《论语》、《孝经》、《尚书》等于祖堂壁中，自隐于嵩山，教授弟子叔孙通等百余人。陈涉兵起，为楚王，陈馥言之，涉资金帛车乘，聘子鱼为博士。涉使周章将西入关诛秦，有轻之之意，子鱼三谏，不听。章行，收兵车千乘，卒数十万，军于戏。二世大惊。少府章邯请赦骊山徒，悉发以击楚军，大败之，章走。子鱼仕涉凡六旬，言不见用，托疾而退。将没，戒其弟子曰：“鲁，仁义之国也，先君之庙在焉。叔孙通学儒术而知权变，归必事之。”卒于陈下，年五十七。著书二十余编，曰《孔丛子》。后人续

之，为《连丛》上下篇。十世曰随，字元路。四传至吉，承殷后统，封宋公。别为派，不叙。

先是，鲋弟腾，字子襄。（《宋史》作弟子腾，恐误。）兄弟自为师友。汉高祖十二年，过鲁，祠孔子以太牢，因封为奉嗣君。圣裔奉祀自此始。惠帝时，征为博士，迁长沙太傅。子忠，字子贞。（《宋史》作正，字子忠。）文帝征为博士，封褒成侯。十一世曰武，字子威。为博士，迁临淮太守。十二世曰延年。博览群书，武帝时拜博士，转少傅，迁大将军掾。十三世曰霸，字子孺，昭帝时为博士。宣帝时为太中大夫，以选授皇太子经，迁詹事，为高密相。元帝即位，拜太师，赐爵关内侯，食邑八百户，号褒成君。十四世曰福。成帝永始元年，袭封关内侯，食邑一千户，奉孔子祀。十五世曰房。哀帝时袭封关内侯，食邑八百户，奉祀。十六世曰均，字长平。敦笃好学，袭封关内侯，征拜尚书郎。平帝元始元年，更封褒成侯，食邑二千户。十七世曰志。东汉光武帝征拜大司马。建武十四年，袭封爵邑如故。十八世曰损，字君益。明帝永平十五年，袭封。章帝元和二年，幸阙里，祀孔子，助祭，赐钱帛。和帝永元四年，徙封褒亭侯，食邑一千户。十九世曰曜，字仲曜。袭封爵邑如故。安帝延光三年，祀孔子于阙里，仍赐褒成侯。二十世曰完。袭封褒成侯，食邑一千户。无子，以母弟濬子羨嗣，是为二十一世，字子馀。魏文帝黄初元年，以议郎封宗圣侯，邑百户，奉祀。二十二世曰震，字伯起。晋武帝泰始元年，拜太常卿、黄门侍郎。三年，封奉圣亭侯，食邑二千户。二十三世曰嶷，字功成。东晋明帝太宁三年，袭封爵邑如故。二十四世曰抚。举孝廉，辟太尉掾，袭封。后为豫章太守，食邑一千户。二十五世曰懿。从事中郎，袭封。二十六世曰鲜，字鲜之。宋文帝元嘉十九年，袭封，蠲近五家，以供洒

扫。后改封崇圣侯。中经失爵，改袭者四人。以地当南北之冲，史称有罪、以罪云云，殆以战争得失而言也。二十七世曰乘，字敬山。博学有才艺，入后魏，举孝廉。文帝延兴三年，封崇圣大夫，食邑五百户。《北史》谓乘为二十八世，误。二十八世曰灵珍。授秘书郎。文帝太和十九年，仍封崇圣侯，食邑一百户。二十九世曰文泰。袭封爵邑如故。三十世曰渠。袭封。北齐文宣帝天保元年，改封恭圣侯，食邑一百户。后周宣帝大象二年，改封邹国公，食邑一千户。三十一世曰长孙。周武帝宣政元年，袭封。三十二世曰英愬。南入于陈，废帝光大元年，以从事中郎封奉圣亭侯，奉祀。无子，以弟嗣。愬继入隋，应制登科，授涇州司兵参军，迁太子通事舍人，袭封邹国公。炀帝大业四年，改封绍圣侯，食邑一千户。三十三世曰德伦。袭封。唐太宗武德九年，（武德九年，高祖崩，而受封在十二月，故书法如此。）改封褒圣侯。十一年，诏祭先圣，皆服玄冕朝会，位同二品。三十四世曰崇基。武后证圣元年，袭封。神龙元年，制授朝散大夫，陪祭，朝会。三十五世曰燧之，字藏辉。玄宗开元五年，袭封。特授四门博士、郡王府文学、蔡州长史。二十七年，改封文宣公，兼兖州长史，迁都水使者，食邑一千户。圣裔任乡官自此始。三十六世曰萱。袭封，兼兖州泗水令。三十七世曰齐卿。德宗建中三年，袭封，兼兖州功曹，转青州司兵参军。遭李师道之乱，陷于东平。三十八世曰惟睦。宪宗元和十三年，东平兵解，归鲁，授兖州参军，袭封。三十九世曰策。明经及第，授曲阜县尉，历国子监丞。武宗会昌五年，袭封。四十世曰振，字国文。懿宗咸通四年，状元及第，除秘书省校书郎、兖州观察判官兼监察御史、秘书郎、左补阙、刑部员外郎，袭封。四十一世曰昭俭。任南陵尉，授广文馆博士、兖州司马，赐绯，除秘书郎，袭封，兼曲阜令。四十二

世曰光嗣。昭宗天祐二年，授泗水令。后梁末帝贞明六年，洒扫户孔景之后孔末，欲冒袭封，乘时不纲，遂尽杀阙里孔氏。光嗣被害，祀绝。

四十三世曰仁玉，字温如，光嗣子。生九月而难作，母张氏抱匿外家。后唐明宗天成元年，年九岁，鲁人诉于朝，乃罢末，复禋祀。长兴元年，授曲阜主簿。三年五月，升共邱令，封文宣公。后晋高祖天福五年，改曲阜令。后周太祖广顺二年，兼监察御史，入宋而卒。后世推为中兴祖云。四十四世曰宣，字不疑。幼聪悟，十岁能属文。宋太祖乾德四年，举进士，不第，诣阙上书，述其家世，诏授曲阜主簿，调黄州军事推官。太平兴国三年，献所著文赋数十篇，上览嘉焉，顾问孔子历世之数，具以实对。上谓左右曰：“家世之远，有如此者乎？”特迁太子右赞善大夫，袭封文宣公。八年，通判高密郡，迁殿中丞。四十五世曰延世，字茂先。特赐同学究出身，授曲阜主簿，历福州闽县令、许州长葛令。至道三年，真宗谕访圣裔，召对，以故事授曲阜令，袭封文宣公。咸平三年，敕许于厅上见，知通州转运使，州长吏特削趋庭礼，贵公爵也。四十六世曰圣祐。真宗景德三年，年九岁，特赐同学究出身。大中祥符元年，授太常寺奉礼郎，许造酒以供祭祀。四年，改大理评事。天禧五年，以光禄寺丞袭封文宣公，知仙源县事。仙源，即曲阜改名也。旋迁赞善大夫。无子，以从弟宗愿嗣。宗愿，字子庄。仁宗康定元年，授国子监丞，袭封，知仙源县事。至和二年，以太常博士祖无择议，改封衍圣公，累迁尚书比部员外郎，通判潍州。卒，赠諡议大夫。四十七世曰若蒙，字公明。神宗熙宁元年，袭封衍圣公，兼仙源县主簿。哲宗元祐元年，以鸿胪卿孔宗翰言，改封奉圣公。绍圣三年，坐监修祖庙事夺爵，以弟若虚继。若虚，字公实。湖州归安主簿。哲宗元符元年，袭封奉

圣公。大观间，复改衍圣公。卒，仍以兄若蒙子端友嗣，是为四十八世。

端友，字子交。政和间，袭封。高宗建炎二年，扈跸南渡，与从父开国男传，偕奉端木子手摹至圣及丌官夫人楷像以行，赐家于衢，是为南宗。弟端操在北，陷于金，金太宗封为衍圣公，是为北宗。南北分宗自此始。

南渡以后世系考

南宗端友之子，四十九世曰玠，字锡老。绍兴二年，袭封。六年，诏权以衢州学为家庙，计口量赐田亩，除蒸尝外，均贍族人，并免租税。八年，赐衢州田五顷，主奉先圣祠祀。五十世曰播，字季绅，绍兴二十四年，年九岁，授承奉郎，袭封。五十一世曰文远，字绍先。光宗绍熙四年，袭封。与临安新城绿渚周雄友善。雄，字仲伟，今所称周王孝子也。五十二世曰万春，字耆年。理宗宝庆二年，袭封。五十三世曰洙，字思鲁。淳祐元年，袭封。宝祐元年，知衢州军事。孙子秀，鼎建家庙于菱湖。宋亡，元世祖至元十九年，奉召赴阙，载封奉祀。洙以庙墓在衢，让爵于曲阜宗弟治。治，元用子，若蒙季弟若愚之后也。正宗罢封自此始。然犹世为儒官、书院山长、儒学提举之类，前后相望。无子，以从弟演子思许为嗣。思许，字与道，传之后裔也，是为五十四世。亦无子，以兄思栗子克忠为嗣，是为五十五世。克忠，字信夫。时届明初，新受恩，例任福清州学正。五十六世曰希路，字士正。五十七世曰议，字文伯。五十八世曰公诚，字贵文。其从弟公衢、公绩，于明孝宗弘治十二年奉征，主杭州万松书院祀事。五十九世曰彦绳，字朝武。知衢州府沈杰奏，准以孔洙直系嫡孙即彦绳，

世袭翰林院五经博士，专主祀事。是为衢州孔氏南宗再受袭封之始。

六十世曰承美，字永实。武宗正德十四年，承袭。六十一世曰弘章，字以达。世宗嘉靖二十六年，承袭。六十二世曰闻音，字知政。神宗万历五年，承袭。六十三世曰贞运，字用行。万历四十三年，承袭。六十四世曰尚乾，字象元。未袭职，卒。妻叶氏年十九，守志抚孤。时当明、清之交，文献沦亡，衢之袭爵几废。清世祖顺治九年，金、衢守道李际期详请总督，题准以孤子衍桢承袭翰林院五经博士，是为六十五世。衍桢，字泗柯。先世舆导用皂盖，至是易为黄，又定三年入觐之例。六十六世曰兴嫌，字北衢。圣祖康熙四十年，承袭。寓居杭州，卒，葬万松岭方家峪，以董理杭州太和书院祀事也。六十七世曰毓垣，字东安。康熙五十三年，承袭。有特增学额、拨给濠田等举。六十八世曰传锦，字官锡。世宗雍正十三年，承袭。高宗乾隆五十年，晋京恭襄临雍大典，礼成回籍，卒于平原。六十九世曰继涛，字念铭。未袭，卒。七十世曰广杓，字衡观。仁宗嘉庆元年，承袭。七十一世曰昭烜。嘉庆二十四年，承袭。宣宗道光元年，修建家庙。七十二世曰宪坤，字静一。道光十四年，承袭。卒，无子。文宗咸丰初，母弟宪堂嗣。宪堂，字笏士。卒，复无子。时以太平军乱，祀事未遑议及。穆宗同治三年，浙江巡抚左宗棠驻衢，查核昭穆，以再从弟宪型之子庆仪，入继宪坤大宗，题准，承袭，并捐修家庙，赎回濠田，是为七十三世。庆仪，字肖铿。既长，于乡邦文教，颇有兴革。光复初，任衢县民事长。清祚既覆，世爵中止，改称南宗奉祀官。民国十二年。卒，子繁豪承袭。二十五年，奉行政院令，世袭至圣先师南宗奉祀官，以简任职待遇，是为七十四世。二十六年，日本入寇，烽火内逼。二十八年，